

Sastanak projektnog osoblja Koalicije 'Pod lupom'

Sastanak projektnog osoblja Koalicije 'Pod lupom' je održan u prostorijama Glavnog ureda u Sarajevu 26. i 27. januara. Cilj sastanka je bio detaljno se upoznati sa novim trogodišnjim projektom, budžetom i planiranim aktivnostima, te razviti detaljan plan aktivnosti i vremenski okvir po projektnim komponentama.



Uporedni rad na izradi tri analize

Koalicija trenutno radi i na izradi tri zasebne analize - Analiza finasijskih izvještaja političkih subjekata, Analiza procesa prigovora i žalbi u izbornom procesu i Analiza izbornih troškova u Bosni i Hercegovini.



ANALIZA

Analiza finasijskih izvještaja će prikazati na koji način politički subjekti koriste/troše novčana sredstva. Analiza procesa

prigovora i žalbi u izbornom procesu će pružiti podatke o postupku podnošenja prigovora i žalbi, nadležnosti, ingerencijama i ovlaštenjima, sistemu odlučivanja, te propisanim sankcijama. Analiza izbornih troškova u BiH je finasijska analiza koja ima za cilj da prikaže ukupnu javnu potrošnju svih nivoa vlasti u svrhu finansiranja rada izborne administracije i organizacije izbora.

Monitoring Interresorne radne grupe za izmjene Izbornog zakona BiH

Koalicija 'Pod lupom' od oktobra redovno prati sjednice IRRG-a kao vanjski/pridruženi član, koje se održavaju na sedmičnom nivou. Koalicija će 08. aprila održati konferenciju za novinare na kojoj će prezentovati rad IRRG u cilju evaluacije učinka njihovog rada.

Početak rada radne grupe koja će se baviti istraživanje iz oblasti izbornog zakonodavstva najmanje 40 država članica OSCE-a

Nakon raspisivanja javnog konkursa Koalicija je odabrala radnu grupu koju čini 7 istraživača/saradnika, koji će se u naredna tri mjeseca baviti istraživanjem i izradom analiza prioriternih oblasti izbornog zakonodavstva najmanje 40 država članica OSCE-a, sa posebnim naglaskom na zemlje regiona. Podsjećamo da je i prošle godine radna grupa Koalicije radila na istraživanjima, čiji su produkt 4 analize i Preglednik koje možete preuzeti na našoj web stranici www.podlupom.org.


Trening za finasijsko osoblje

Koalicija je 3. i 4. marta održala trening finasijskog osoblja na Vlačiću. Na treningu su se članice Koalicije usaglasile oko finasijskog izvještavanja na projektu prema vodećem partneru CCI-u, i o zajedničkom izvještavanju svih članica Koalicije prema donatoru – Evropskoj uniji.



Punopravno članstvo Koalicije 'Pod lupom' u GNDEM mreži

Koalicija za slobodne i poštene izbore 'Pod lupom' postala je punopravni član Globalne mreže domaćih organizacija u posmatranju izbora (GNDEM) koju čini više od 190 regionalnih mreža i nestranačkih organizacija civilnog društva iz cijeloga svijeta.



GNDEM mreža postoji od 1986. godine, a danas je rasprostranjena na pet kontinenata u 85 zemalja, uključujući i Bosnu i Hercegovinu. Cilj ove mreže je olakšati razmjenu informacija i najboljih praksi među članovima mreže. GNDEM nastoji unaprijediti metodologiju za sistematično i temeljeno na činjenicama posmatranje izbora, te kapacitete regionalnih mreža i nestranačkih organizacija civilnog društva dijeljenjem znanja i interaktivnom komunikacijom među članovima. Ova mreža raspolaže sa više od 1.000 korisnih dokumenata dostupnih od sada i Koaliciji 'Pod lupom', u kojima su obrađene ključne teme iz cijeloga svijeta o izbornom procesu.

Prvi put biram!

U Tesliću je od 18. -20. marta održan trening za 28 vršnjačkih edukatora Koalicije 'Pod lupom' koji će u naredna dva mjeseca realizovati 672 interaktivne radionice za učenike završnih razreda srednjih škola (maturante) na području cijele BiH pod nazivom "Prvi put biram!" Ova aktivnost ima za cilj edukaciju mladih glasača o izbornom procesu, te motivisanje za izlazak na predstojeće lokalne izbore.

Do kraja marta 2016. godine održane su radionice u Ključu, Livnu, Tuzli, Mostaru, Sarajevu, Fojnici i Zenici.



Za sve dodatne informacije pratite nas putem weba www.podlupom.org, te na društvenim mrežama - fb, twitter i instagram. Hvala Vam!



www.podlupom.org



twitter.com/pod_lupom



facebook.com/Koalicija-Pod-lupom